

黔南叢書

第四集第十冊

默南齋書第四集

弗堂詞

據弗堂彙稿印本校印

姚茫父墓志銘

湘潭周大烈撰

嗟乎士夫道喪茫父乃鬱鬱隕於破寺中矣茫父姓姚
名華原字重光貴州貴陽人清光緒丁酉舉於鄉甲辰
成進士授工部虞衡司主事習說文許氏學好篆隸奉
親居京師蓮花寺窮搜金石文字比勘題識早夜不休
於士夫所挾持爲榮貴者若冥然而無睹其困勤篤嗜
清之張廷濟無以過之時德宗在位穆宗生母孝欽顯
皇后臨時稱制內政敗亂庚子拳匪事起國幾亡君不

勝憤慨值議變法偕朝士赴日本學法律政治余時亦由湖南東渡同入法政大學見其挾冊上堂書所授語一字無遺固矻矻以廁羣強中圖拯救之道學竟歸遷郵傳部船政司主事郵政司建核科科长而國已亂未幾宣統帝遜位民國建立被選爲臨時參議院議員自是四居議席然所抱持者蓋無一不與人相忤所謂議會政治竟未嘗參與焉乃憤然竟棄所學仍居破寺中理其舊業更恣意作書畫每畫輒題其詩詞與曲曲尤工人競買之朝夕所資畧取給焉余官京師時亦寓寺

中與論金石詞曲以爲遭此時固得所遣矣自宣統已
酉至民國十八年間連丁繼妣熊恭人暨孝憲先生憂
又連喪子女四人其弟薌早喪僅遺一女又病卒值國
內軍人鬥爭戰禍日劇憂亂迭于一時遂得偏廢疾余
時時往視之外貌豐碩如故仍據案揮殘臂作書畫磅
礪鬱積意氣若不可一世四五年中無頹敗狀嗟乎是
豈真不可一世邪十九年六月病再發一日而卒所著
有小學問答說文三例表金石系黔語古旨詞蒐存未
刊行自定詩賦詞曲論著雜文題曰弗堂類藁三十一

卷其門人王伯羣爲印於金陵曾祖玉德妣吳氏祖廷
輔妣嚴氏考源清私諡孝憲先生妣雷氏繼妣熊氏生
妣費氏均贈中憲大夫恭人妻同縣羅氏子四鎔日本
高等蠶絲學校畢業鎔國立北京大學哲學系畢業出
嗣弟薌鑒先卒鑒國立北平師範大學附屬中學肄業
女三鑾適同縣文宗沛鑾鑒未適人而卒葬北平西直
門外竈君廟姚山之陽其友周大烈爲之銘曰

吾道非邪彼所抱之道亦再慎而再倒當士夫羣攘攘
於奔離中頓躓以老嗟乎茫父已已乎世昏形槁附燕

甸兮片石稜稜顧姚山兮孤心皜皜

弗堂詞一

黔南叢書第四集

貴筑姚華茫父

沁園春

寄周聲奉天即題其十嚴居園
丁未

聽雨愁櫻坐月吟楓和雪勾梅記天風掠海吹涼客夢
秋霜做髻瘦損詩懷籬下三年日邊萬里傲睨江湖憐
我才家山好念風塵老去落拓歸來天涯殢易吾儕
更屈鍊搏沙事事乖便遼天凝碧燈星絕塞湘波怨綠
硯雨蕭齋周蕭齋有點絳脣一硯梨花雨警句見陸輔之詞旨短劍橫經長髯劾
史舊館而今何處開風吹又怕煙吟墨語也化蒼落

江南好

二首 憐蚊雜詩讀
竟腰以二詞返之

風塵惡着水復黏泥溷俗幾聞人洗耳無言惟見李成

蹊落照晚煙低

風塵惡懊惱寫春詞登壘乞墦東郭記

東郭記第一齣
西江月些兒不

脫利名中盡
是乞墦登壘

林慚澗愧北山移

北山移文故其林
慙無盡澗愧不歇馬耳

任風吹

菩薩蠻

戊申三月二日觀瑤
華爲周霽寫蘭因題

年年夢斷湘江曲東風剪水尋幽谷蘸綠做黃昏月來

詩有魂

山深煙語寂都化愁和墨濕怨寫春妍相思

三月天

沁園春

七月二十六日集雲和酒後放歌示主人朱三並寄印髯奉天

酒上心來熱血汪汪起落如潮看人間萬事都成鬼蜮
乾坤一指只解酩酊夢崇難親詩魂易失千疊愁心何
處消秋風起更吹愁壓髻做盡刁騷無聊酒醒今宵
奈人散更闌不可招索歸尋蕭寺閑門敲月坐呼山鬼
長嘯干霄狂處陵人悲來罵世袒臂科頭容我豪君知
否有元龍尙在湖海逍遙

南鄉一剪梅

壽冥惜八月十二日
二十六初度和自壽韻

涼月鑄秋心閑處將愁淺處深未冷先霜吹上髻說到而今便到而今露氣夜來侵舊夢詩邊寂寞尋各自心情同一懶君也難禁我也難禁

齊天樂

爲士行題耿氏補作莫菴退叟身行萬里圖

青山黯澹滄江泣茫茫夕陽今古柳送晨栢燈催暝帳都做人生辛苦雄心老去便閱世形枯夢魂堪訴紙上殘愁替人皺皺漲煙雨先生天下健者況戎行走馬豪氣龍虎盾墨磨詩征塵餞髻贏得鴻泥幾度還歸劫數儘記取前蹤畫圖重補舊日吟情怕無尋覓處

夜行船

十一月十八日蓮華寺寓齋見月作

碧幙籠寒霜滿院正橫窗樹杪遮斷菊後鵲情梅前笛
意瀟灑一庭清怨向老心懷殊未淺照相思夜長天
遠化水澆愁勾詩做夢幽處更無人見

春曉曲

四首 巳酉元日

朝來蘸水調詞筆探

去聲

取芳春信息畫屏尙帶隔年寒

立盡小庭何處覓

春來畢竟無痕迹爲恐詩人覺得去年別館種梅花踏
破早煙重省識

山梅壓影寒成碧
歛笑含情自惜似人一樣望江南
說得酒邊三弄笛

檐鴉恁地喧聲急
道是東風第一任君不信問昭陽鏡
裏綠蛾迎曉日

滿江紅

戊申除夕得鄂生先生
訃已酉正月十日作

一代江山都生就
一朝人物有多少是非功罪賺他心
血柱石西南天
萬里文章今古書千疊
便鼎湖一去墮龍髯
傾天裂孤臣淚長河決
人間世寒雲結待朝來
漏盡更殘悲咽
昔日衣冠如夢幻
空山甲子何年月
恁

無情回首望東風千秋別

鶯啼序

譜夢窗殘寒政歇病酒
有贈有序癸丑

庚戌九月百鑄嘗約集櫻桃斜街之雲瑞堂看菊明
年再集秋盡花闌盡感前遊而攝政退藩適聞報至
已而國變堂亦掩關亞細亞報館館焉癸丑故正復
偕百鑄過佛言候於廳事舊集地也離痕歡唾不堪
點檢瑯琊大道誰吟蠶尾之詩流水板橋擬續澹心
之記掌故所在感慨係之太陰正月二十八日

依稀去年夢境祇沉煙墜縷乍春醒纔解成愁幾分初

散還聚軟紅內千胸萬臆前塵點點傷心賦向東風吹

皺眉頭更添幽素 寥落千秋舊槩盡問蒼生幾顧

惜孤負珠玉文章總知無甚憑據忍重看殘箋淚血化

腥碧斑斕悽楚暝窗寒回首斜陽此情難訴 繩駒磨

蟻轉軸星周也忙似迅羽恰過眼落花天氣又早昏曉

慣作陰晴許多風雨風人善引詩心能怨啼鵲聲裏江

山迴遍天涯共讀驚人句龍蛇感泣蒼茫喚出湘魂問

天怎地無語 零芬剩劫髮髯前朝料翠條記否正柳

起清明將近舊社難圓

慨抱冲貴定李維鈺問
梅長沙黃可權諸君也

草蔓

苔荒雨今雲古浮生似此惟須長醉風萍波梗非易會
感滄桑陳迹櫻桃樹欹歎舊館芳菲怕覓歡痕繫人肺
腑

醉蓬萊

爲仲恕壽梁保三丈
七十譜求壘 癸丑

正舞衣香滿風日清佳梅邊吹曉酒近南山任芳樽傾
倒履道坊中聯吟高會算香山年少再六十

作平年先生

便是洛中遺老

香山九老爵里紀年白樂天年七十四
最少李元爽洛中遺老年百三十六

人似頻羅

山舟學士

歲逢修禊閱盡滄桑幾回歌笑往事

青雲

嘗講學青雲書院

變朱顏蒼了魯國靈光鄭家書帶稱經

師人表壽與名兼家緣國慶月圓花好

一寸金

譜清真爲塞七季
常題圖 癸丑

季常嗜飲暮便酩酊所欲治事皆緣醉罷於是以酒
名貴陽桂詩成百鑄爲圖狀之予謂季常寓焉而已
糟丘之築豈爲斯人題曰對酒傷其無與也因填此

閨用代短歌

愁恨餘生誤了春花又秋月賴典衣沾酒琴邊得趣提
壺酬影胸中無物盃冷腸初熱槎枒事更難慰貼醒耶
醉欲飲還停待與商量暮天雪 年去年來芳樽迎送